





# Agur, Jñaki!



Ekainaren 8an Jñaki Arregik agur esan zigun betiko. Drogetenitturri eta Euskal Birusa Elkarteko sortzaile eta hasierako urte haietako bultzatzaile ahaztezina. Sasoi bateko Ermuko Udalbatzako zinegotzi, 'El Correo'ko korrespontsala... eta gaur egun Markinan bizi eta **UEMA**, Udalerrri Euskaldunen Mankomunitateko koordinatzaile izan da honen sorreratik, 1992an.

Gure esker onaren adierazle bizitza-argazki bilduma hau eta bere omenez gertukoenak idatzitakoak.





## IÑAKI, ANAIA ETA LAGUNA.

Aupa Iñaki! Markiñako ekitaldixaren amaieran, “Drogetenitturri”rako zeozer idatzi bihar ete neban galdetu ostenian, hasiera-hasieratik ezetz esan najuan, ezin izango nebala, ez nekala indar nahikorik. Gañera badakik beti izan nazela torpetxua idazteko orduan, eta momentuotan gatz, oso gatz eitzen jatan idatzia. Baiña, tira, higaitzik edozer!

Txiki-txikitxan, zinetik (infantiletik) urten eta, pelikuliari jarraipena emoteko, Artarra aldera juaten giñuasen. Plastikozko pistolia erosteko nahikua dirurik ez eta, hantxe hi, ekan diru apurra poltsikotik etarutzen niri zorixoneko pistolia erosteko.

## ANAIA? LAGUNA? BIXAK BATERA.

Gaztetan bizikletak hartu eta Zornotzarainok. Haruzkuan, Aitxixo gaiña hartu orduko itxota neuan. Buelta guztixa ein bihar izan najuan hire atzeko erroberiarri pega-pega einda, hai-xetik babestuta; hik baten be ez ostan eskatu errelebua, tinko anaixari laguntzen etxera heldu arte.

## ANAIA? LAGUNA? BIXAK BATERA.

Nagusitxan, eta politikari helduta, eztabaida batzuk euki jitzuauz. Baten baiño gehixagotan ez gara konforme gelditxu, batek A bestiak Z, baiña hire gauzak esateko moruak (ahotsa altxau barik, baiña hirean tinko) lortu jok beti hasarretu barik amaitzia.


## ANAIA? LAGUNA? BIXAK BATERA.



Segidu ezkeru liburu bat idazteko beste euko neukek.

Gure artian sekula eztoz eon ‘maitxia’, ‘laxtana’, ‘politxa’ eta holakorik. Baten batek pentsau leikek oso hotzak gariala. Oker dabixak! Guretako nahikua zuan begixetara alkarri beitzia, edo sorbaldan eskua pausatzia. Modu asko daoazak ahotik urtetzen ez dana esateko. Anaixak gaitxuk, aitan hazitxik eta aman sabeletik etorri garialako; baiña hi beti eongo haz nigan ez horregaitxik bakarrik, lagun haundixa, lagun-miña, benetako laguna izan hazelako baizik.

Eskerrik asko danagaitxik, Iñaki!

Fernando Arregi





Iñaki,

Bizitzaren zure azken etapa hau elkarrekin igaro dogu, iragana gogoratuz, orainaz hausnartuz, bizitzaz gogoeta eginez... asko da berba egin doguna. Esan biharrekuak esanda dagoz, bizi bihar izandakua bizita dago, eta zuk emandakua daukagu: elkarrekin igarotako gaztetako urtiak, konpromisuak, une onak eta ez hain onak, barriak, kantak ("A la molina no voy más, porque echan azotes sin cesar..."), batzarrak, afarixak... Eta nola ez ba! Era guztietako eztabaidak: politikuak zein kulturalak, euskarari eta etengabeko iraultzari buruzkuak, feminismoa eta beste hamaika gairen inguruak...

Azkenian, zuk emon eta laga doskuzun oroitzapen goxo eta sendua da orain daukaguna. Danongan egongo da betiko zure zatitxo bat eta badakigu, zeuk pe geurea dan best bat eruan dozula zeurekin, hauxe dalako, azken finean, harremanaren, lagun izatiaren eta bizitzaren onena.

Orain zure familiarekin egon nahi dogu: Elenarekin, Txominekin eta Graxirekin.

Patxo haundi-haundixa, maite zaitxugu, Iñaki.

*Ermuko zure lagunak*



Iñakiri

Joan egin zaigu, baina ez digu alde egin, gurekin jarraitzen baitu, pentsamenduan ñirñir, bihotzean taupadaka, oraingotan, geroxeagoan eta etorkizunean.

Joan egin zaigu giza lasaia, gizon intelijentea, pertsona konprometitua, lagun aparta, adiskide sakona, maitale zintzoa, aita goxoa. Seme maitea, seme, anai, gizaseme unibertsala.

Joan egin zaigu. Hala ere, etorkizunean gurekin jarraituko du herri honen nortasunaren defentsan, Euskal Herri honen nortasunaren defentsa izan baitu aspaldian Iñakik bere helburuetako minena, sentikorrena, preziatuena eta ekinaren ekinenez, hankak lurreen zituela, bere esku handi hezurtuak zabaldu zituen lau haizetara: "Izan zaitezte gurekin lagun, gurekin solidario, gurekin gizalege, gurekin euskaldun".

Ondo zekien gure Iñakik, mundu honetan mirariak, milagroak hutsaren hurreneko kantitatean agertzen direla eta ekinaren ekinenez, helburuak lortu behar direla eguneroko bizitzan eta hortan ziharduena tinko, beste helburu eta ilusio askoren artean, gizaki bizidunok egiten dugun moduan.

"Ahaztuezina ixango haiz Iñaki, hirekin ikasi juagu lasaitasuna eta apaltasunaren balixua. Gure gizarte harro honetan, ez dok nahi izan mamu harroputz eta lortuezinezko horien dindiliña. Nahiago ixan dok eguneroko bizitzan esperantza sortu modu bakarraz: Ezina ekinenez egina".

Egon hadi ziur, hire moduko asko sortuko dira enbor beretik.

*Tomas Trifol*





Euskal Birusa Elkartea, Drogetenitturri aldzikaria, San Martin Azoka, Hartza Eguna... Horiek guztiek 20 urteak eginak dituzte Ermuan. 20 urte dira, beraz, Ermuko euskaldunoi ekimen horien bitartez edo inguruan euskaraz bizitzeko aukerak biderkatzen zaizkigula. Handik gutxira etorriko ziren, inauterietako antzezpenak, Olentzero emakumezkoa, euskaldunon afari eta txangoak, Juanita Ibaibarriaga Literatur Saria, Udako Postal Lehiaketa, Liburu eta Disko Azoka, Ahozko Ondarearen bilketa, kultur ekitaldi piloa... Azken urteotakoak dira Ermuan Kantuan, Santixauetako Txikurixa eta elkar-tearen webgunea... eta segurua da ekimen berriak sortuko direna. KATAIA EZ DA ETEN, kontrara, katebegi berriak lotzen zaizkio aldiro-aldiro.

Hauexek dira, besteak beste, Iñakik Ermuan ereindako hazia- ren fruituak. Iñakik berak bakarrik ez, jakina, lan-taldearen garrantzia oso argi izan zuen-eta, beti, baina hori bezain argi zituen elkar-tearen eta ekimenen norabidea, nolakotasuna, aukera eta batez ere, behar izana. Horrek indar berezia eman zion Iñakiri eta indar hori banatzen saiatzen zen, konfian- tza, adore eta ilusio bihurtuta. Euskal Birusa Elkartea, euska- ra sustatzeko jaio zena, askoren elkartea izan da beti, baina oso zaila egiten zaigu sorreran parte hartu genuenoi, hura Iñakiren hauspo eta bultzada barik imajinatzea.

Horregatik gaude gaur hemen, horren guztiaren testigantza zuei emateko. Ermutik Mallabira eta Mallabitik Markinara bizitzera etorrira, EKBn edo UEMA sustatzen buru-belarri ezagutu duzenok, ezagutu duzuen Iñaki zoragarri hori, gure- tzako noraino izan den handia jakin dezazuen eta kontatzeko zenbaterainoko aztarna laga duen Ermuan eta Ermuko eus- kaldunongan.

Horretarako eta gure esker ona eta harrotasuna erakusteko. Esker ona bizitzari, Iñakirekin ilusio, proiektu eta momentu zoragarri asko konpartitzeko aukera emateagatik, eta harrota- suna, Iñakiren ametsetako batera hurbiltzen ari garelako: Ermua eta Euskal Herri euskaldunarena.

Joan lasai Iñaki, zuk hauspotu zenuen suak oraindik berotzen du amaren etxea.



Maite zaituztegu Elena, Graxi, Txomin, Mari Luz... Maite zaitugu Iñaki, eskerrik asko zuri, lagun handia.

*Euskal Birusa Elkartea Kulturala*



## DROGETENITTURRI

Ermua eta Mallabiko aldzikaria



## "Hemen gaude"

**H**ala ere, ez dakigu hurrengoan egongo garen". Hara, orain dela 13 urte pasatxo argi ilusi zuen lehen Drogetenitturriko edizionala- ko Euskal Birusak idatzi zuen izenburua. Aldizkari bat maitatzunez ateratzek sekulako berrigoi ematen zigen. Non eta Ermuan. Guk geuk ere ez genuen garbi ikusten asuntua.

Bi ahegin egin eta gero, Euskal Birusko erreferentea, bilgunea eta pro- duktu izara bihurtu zen Drogetenitturri.

Beste ehun ale joan dira geroztik eta hemen dago gure artean senda eta doto- re Orain be ez da denen gustokua izan- go. Hanka sentzeak izan eta izango dira aurrerantzen be. Beti egongo da hol- tu behara. Baina, Ermuko euskaldunen artean Drogetenitturrik hartutako leku garrantzitsua ukazina da. Euskararen berreskuratzean ezinbesteko tresna eta erreferente bihurtu da.

Hon eustea da orain eronka. Eustea beritzea da, hobetzea, euskaldunen in- tizia eta behar benak kontuan izatea alegia. Erantzukizuna handia da, irabazitako kapitala eta prestigioa tamaina berekoa delako. Premiak eta hemitarren eskak- ere gero eta handiagoak izango dira. Inguruko hermetan eskualdeko estekari- ki, egunkariak ari dira lantzen. Beraz, ez dago loak hartzerik eruntan ibiltzerik, burukrazian jausterik. guzi horien kontra, hasierako hartan izandako eztabaida teo- riko, hausnarketa eta berroldiak ez lirateke orain be aldiroto txarrak izango.